

Д. А. Коптев

**Житие преосвященнейшего
Иллариона, митрополита
Суздальского, бывшего
Флорищевой пустыни
первого строителя. Памятник
начала XVIII века**

**Москва
«Книга по Требованию»**

УДК 37-053.2
ББК 74.27я7
Д11

Д11 **Д. А. Коптев**
Житие преосвященнейшего Иллариона, митрополита Суздальского, бывшего
Флорищевой пустыни первого строителя. Памятник начала XVIII века / Д. А.
Коптев – М.: Книга по Требованию, 2022. – 158 с.

ISBN 978-5-518-03745-8

ISBN 978-5-518-03745-8

© Издание на русском языке, оформление
«YOYO Media», 2022

© Издание на русском языке, оцифровка,
«Книга по Требованию», 2022

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



Серия Книжный Ренессанс

www.samizday.ru/reprint

Ксеною. Онъ же опечалися о томъ великою печалію; понеже отецъ его іеромонахъ Антоній заповѣда ему отнюдь браку не сочетатися, но въ монашескій чинъ облещися повелѣваше, онъ же, яко заповѣдь отчу преступивъ, сотворивъ тако. Егда же той юноша законному браку сочетася, аще и неволею, абіе начать съ супругою своею дѣвственное житіе проходить и чистоту душевную купно и тѣлесную храниша. Поживе убо съ супругою своею лѣто едино и полъ, и абіе супруга его преиде ко Господу. Братія же и сродницы, вскорѣ послѣ смерти супруги его, принуждаху вторымъ бракомъ ему сочетатися, онъ же весьма отречеса и не изволи.

Сіе же ему бракосочетаніе бысть прежде отца его въ царствующій градъ Москву взятія, понеже бо отецъ его, іеромонахъ Антоній, взятъ бысть въ царствующій градъ Москву по повелѣнію благочестивѣйшаго государя царя Алексія Михайловича во избраніе на патріаршій престоль въ лѣто 7160 (1652 г.) по смерти святѣйшаго патріарха Іосифа: возвѣщено бо бысть о немъ, яко зѣло учителень и добродѣтельное житіе проходить. Избраша же тріе(хъ) такового сана достойныхъ, перваго новгородскаго Никона митрополита, втораго—сего іеромонаха Антонія и третіяго—іеромонаха еще нѣкоего, и метнуша о нихъ жребій. И паде жребій на сего іеромонаха Антонія. Онъ же уступи сіе Никону, митрополиту новгородскому, понже убо старъ сый и болѣзнію объять бѣше. Благочестивый же царь Алексій Михайловичъ одари его приличными дарами и отпусти его въ свою пустынь. Егда же сей іеромонахъ Антоній ѣхалъ изъ царствующаго града Москвы, и до-

стигши села Кирикова, идѣже самъ живяше прежде, разболѣвшися ту скончася о Господѣ. Предъ кончиною же своею, призвавъ къ себѣ юнѣйшаго сына своего Іоанна, егоже любяше, и глагола ему: „чадо любезное Іоанне! кому уже ты не нищи себѣ покоя на земли, ни богатства, ни славы, и да не прельстишися вторымъ бракомъ сочетатися, и да не взыщеша себѣ втораго отца на земли, но да будетъ ти отецъ единъ, иже есть на небесѣхъ, и учитель да будетъ ти единъ—Господь нашъ Іисусъ Христосъ, едиnorodный небеснаго Отца Сынъ, предводитель же да будетъ ти и покровитель единосущный и сопрестольный Отцу и Сыну Духъ пресвятый. Тому тебе, въ тріехъ ипостасѣхъ на небеси живущему, вручаю Богу; той тебѣ да будетъ упованіе, предводитель и покровитель. Еще тебе вручаю единѣй чистѣй и кадилицѣ златой честнѣйшей божественнаго угля пламенегорящей и весь міръ кажденія своего благовоиємъ въ жизнь вѣчную благоухавшей, всѣхъ тварей, небесныхъ и земныхъ, высочайшей, по плоти же Матери Божіей, Дѣвѣ Богородицѣ Маріи; она тебѣ да будетъ покровительница и къ Сыну своему о тебѣ ходатайница“, и прочая. Изрече таковая и паки глагола ему: „да будетъ же на тебѣ отъ мене, худаго отца твоего, благословеніе, еже бы тебѣ во иноческій чинъ постригшися. Еще же заповѣдаю тебѣ въ маломъ нѣкоемъ монастырѣ или въ пустынѣ во иноческій чинъ постригшися, въ большія же обители отнюдь не дерзати“. И по благословеніи томъ подавъ миръ, скончася о Господѣ. Тогда сынъ его юнѣйшій Іоаннъ, о немже намъ предлежитъ слово, по скончаніи отца своего, іеромона-

ка Антонія, положи въ сердцѣ своемъ, еже бы волю отчу дѣломъ совершити, нежали вмѣсто благословенія души своей клятву навести; обаче пребысть тако до времени, дондеже на брадѣ его власи израстуть. И по малѣмъ времени братъ сего Іоанна первѣйшій, священникъ Петръ, изыде изъ дому отца своего, изъ того села Кирикова, нѣкія ради вины, и преселися въ царствующій градъ Москву; поять съ собою и сего юнѣйшаго брата Іоанна. И поживе онъ, Іоаннъ, нѣколико время тамо, посланъ бысть онымъ братомъ своимъ, священникомъ Петромъ, накі въ отечество свое, въ село Кириково, нѣкоторыя ради потребности. Іоаннъ же, по повелѣнію брата своего, поиде къ братіямъ своимъ со тщианіемъ, и, пришедъ, исполни повелѣніе брата своего; обаче не возвратися въ царствующій градъ Москву, но умедли тамо вины ради сичевыя. Клирикъ нѣкій, именемъ Василій, возвѣсти сему Іоанну о Флорищевѣ пустынѣ, глаголя, яко есть таковая пустыня въ гороховскихъ предѣлахъ, посредѣ лѣсу, на нѣкоторыхъ флорищевыхъ горахъ, и зѣло убо тамо монахи добродѣтельное житіе проходятъ и богоугодно жительствоуютъ. Юноша же сей, Іоаннъ, отъ словесъ того клирика распалися ревностію веліею, еже бы въ той пустыни быти и тѣхъ пустынножителей своими очесы узрѣти, и абіе, возложася на волю Божию, поиде къ тѣмъ пустынножителямъ. Егда же пришедъ къ нимъ, обрѣте тамо токмо двѣ келліи, а въ нихъ пребывающихъ четырехъ монаховъ. Тѣ же пустынножителіе пріяста его, Іоанна, любезно, и предложаша, яже у нихъ обрѣташеся въ пустынѣ, трапезу и со благоговѣніемъ служаху ему. Пер-

воначальный же бѣ у нихъ тогда старецъ схимонахъ Мееодій, святъ житіемъ и пророческаго дара исполненъ, сѣде со Іоанномъ и провидѣвъ его хотяцаго быти осудъ избрать Святаго Духа: еже и бысть. Видѣвъ бо его смиренна и кротка и весьма благоразумна и искусства всякаго исполнена; совопрошающимся имъ и бесѣдующимъ отъ божественнаго писанія о пользѣ душевной, и видѣвъ его въ божественномъ писаніи зѣло благоразумна и искусна, понеже бо сей юноша Іоаннъ изъ чрева матери своей Святаго Духа исполненъ бѣ, о чемъ мало здѣ нѣчто воспоминаемъ. Егда бо отецъ сего Іоанна, еще бывшій въ мѣрѣ священникоу, Ананія начатъ его по третіемъ годѣ книгамъ учити, онъ же въ младыхъ лѣтахъ старческой разумъ возымъ, единымъ лѣтомъ вся божественныя книги, яже есть дѣтямъ прилична, изучи, дадеся бо ему отъ Бога во младыхъ лѣтахъ умъ еже разумѣти писаніе. Сказоваше же въ церкви и стихиры по книгамъ, преходя отъ лика къ лику, инымъ книгу его преносящимъ, и вся божественныя книги чести, и на клиросѣ пѣти умѣяше, зѣло убо остроуменъ отрокъ и красноглаголивъ бысть, того ради и отецъ его священникъ Ананія любяше его. И сіе до здѣ. Мы же паки на первое да возвратимся.

По вкушенію у нихъ тому Іоанну хлѣба, воставше они, яко совершенніи вышняго Бога раби, благодареніе Господеви своему воздаша. И начатъ той старецъ Мееодій ему Іоанну о душевномъ спасеніи глаголати, еже како святіи отцы, Господа Бога веѣмъ сердцемъ возлюбивше и добродѣтельно поживше, спасеніе получиша, еже бы и онъ Іоаннъ во иноческій чинъ облек-

шися имъ сожитель въ пустынѣ быти. Иоаннъ же отвѣщавъ тому старцу, глаголя: „Богъ—вѣдый кождоу челоуѣка тайная сердца; воля Его святая да будетъ“. Цесарь же мало, паки глаголя: „вредѣ убо мнѣ возвращенію подобаетъ у брата моего Петра въ царствующемъ градѣ Москвѣ быти, и повелѣнное ми отъ него совершити“. И паки глаголя: „Господу Богу моему свидѣтельствующу и грѣшному мнѣ спомогающу, якоже воля Его святая да будетъ, желаніе имѣю паки къ вамъ возвратитися и во иноческій чинъ адѣ облещися и вамъ сожитель быти, аще воля Божія благоволитъ тако ми поспѣшити“. Старецъ же Месодій, слышавъ сіе, воста отъ мѣста своего барзо и воздвиже руцѣ къ небеси, глаголя: „благословенъ Господь Богъ вседержитель; яко же рекъ еси, буди тако“. И мало посидѣвъ, паки глаголя: „аще совершенно общаешися приидти къ намъ, то мы тебе ради малую церковь возсоздати имамы“. Сіе же глаголя старецъ, провидѣвъ его, Иоанна, велика предѣ Богомъ хотяща быти, понеже бо откровенно ему о немъ бысть. Той же юноша пребысть у нихъ нѣколико дней, присматривающесе на добродѣтельное житіе ихъ, и паки отъиде отъ нихъ къ братіямъ своимъ въ село Кириково. И, бывшему ему тамо, увѣдаша братія его о немъ, яко хощеть отъити отъ нихъ и во иноческій чинъ облещися, начаша соболѣзновати о немъ, яко о младомъ еще сунцемъ, предлагающе ему заповѣдь отчу, егда на брадѣ власы возрастуть. Онъ же о семъ повинуся имъ; обаче поиде отъ нихъ паки къ первому брату своему Петру въ царству-

ющій градъ Москву и пребысть тамо нѣсколикое время, упражняясь въ чтеніи божественнаго писанія.

Извѣствуется же и сіе о немъ, еже случилось ему отъ вражія коварства пострадати въ дому брата своего сицевое. Издревле ненавидяй рода человѣческаго злокозненный врагъ діаволь, яже въ рай снѣдію прельсти Еву, еуже Адама, дабы и Иоанново намѣренное доброе дѣло не по Возѣ производимо было, привнесе ему во умъ сицевое: еже бы ему вторымъ бракомъ сочетатися. Сіе же ему помышляющу и въ такомъ помыслѣ умедлившу, абіе нападе на очію его слѣпота. Онъ же, раскаявся о таковомъ неудобномъ помыслѣ, пріять отъ Бога очесемъ своимъ прозрѣніе. И паки о сочетаніи втораго брака начать помышляти; и абіе нападе на очію его слѣпота паче первыя, понеже бо восхотѣ его Богъ смирити и злую мысль отъ него отсѣщи по писанному: „бродами и уздою челоусти ихъ востыгнеши не приближающихся къ тебѣ“, и паки: „егоже бо любить Господь, наказуетъ, біетъ же всякаго сына, егоже приѣмлетъ“. Онъ же уразумѣ предъ Богомъ свое согрѣшеніе, еще же смотрѣніе Божіе о себѣ то помысли, ведущее его къ спасенію. Начать предъ Господемъ зѣло неутѣшно плакати и человѣколюбную утробу его умилоствляти, но никако же вскорѣ слезами своими Господа Бога возмогъ умилоствити, той бо недовѣдомыми своими судьбами, якоже самъ вѣсть, аще и слышитъ, но не восхотѣ вскорѣ ему исцѣленія и помощи подати, да не како, пріемши скорую цѣльбу и паки обнадежився, на тую же мысль обратися, понеже той хочетъ всѣмъ человѣкомъ спастися и въ ра-

думъ истинный прїяти и ни единому же погибнути, вѣсть бо самъ, яко скоро предлагательны суть помышленїя чловѣческія на злое по писанному: „наскжетъ бо на чловѣка лукавая помышленїя отъ юности его“. Іоаннъ же, видѣвъ на себѣ гнѣвъ Божїй пребывающїй, не восхотѣ въ томъ умедлїти, но восхотѣ о себѣ нѣкоего къ Богу ходатая прїобрѣсти. еже и бысть; умоливъ бо нѣкоего знаемаго чловѣка себѣ, еже бы пѣшева довелъ его живоначальныя Троицы въ Сергіевъ монастырь; той же знаемый сотвори послушанїе къ нему, отвелъ его въ той монастырь, и привелъ постави его у раки Сергія преподобнаго. Онъ же начатъ къ преподобному, аки къ живому существу, слезы умилительны точащи въ молитвѣ своей сице вѣщати: „о угодниче Божїй, святый избранный преподобне отче Сергіе чудотворче! умилосердїся надо мною грѣшнымъ и непотребнымъ рабомъ твоимъ, помолися о мнѣ ко Господу Богу о моемъ согрѣшенїи, да подастъ ми тѣлесными очима, купно и душевными прозрѣти“ и прочая таковая глаголаше. Что же тамо бысть? О глубина божественныхъ дарованїй, богатство славы! А бже узрѣ явственно преподобнаго отца Сергія мощи, и оцутивъ себе, яко совершенно оздравѣ, и вся яже въ церкви добрѣ узрѣ и болѣе начатъ неутѣшно плакати, и яко заступника своего и исцѣлителя преподобнаго отца Сергія мощемъ кланяющесе до земли, любезно оныя лобызаше и его благодаряще, день же и ночь при гробѣ преподобнаго сотворивъ пребывая и теплыми слезами Владыцѣ своему благодарственныя мольбы возсылая, такожде и преподобному Сергію за исцѣленїе очесъ своихъ благодарственное воздавая. И

молебное пѣніе совершивше, послѣднее дозваніе пре-
 подобнаго монашѣ дающе, отъидоша и въ слободѣ тамо
 у нѣкоего жителя обнощеваша; и абіе зрѣть во свѣ-
 тоя нощи наки у преподобнаго Сергія у гроба себе
 стояти, и о прозрѣніи очесъ его прилежно молити, обѣ-
 щаніе же дасть во Флорищевѣ пустынѣ добръ пожа-
 ти, такожде и о приведшемъ друзѣ своемъ о томъ же
 моляше. И отвѣщавъ ему преподобный Сергій възъ гроб-
 а, глаголя: „во Флорищевѣ пустынѣ изаши жити,
 тамо же и азъ буду ти помогати“; на друга же его възъ
 гроба рукою указуя, глаголя: „сей будетъ тамо жити“.
 И окончася видѣніе. Онъ же, убудився отъ сна и вос-
 прянувъ скоро, повѣда свое видѣніе приведшему другу
 своему и господину дома. Господинъ же дома глаголя
 ему: „благодать Божія бѣ съ тобою и молитвы препо-
 добнаго отца Сергія“. И даде ему господинъ дома
 преподобнаго отца Сергія образъ. Онъ же пріять его
 любезно, яко самого того преподобнаго, и пакы въ цар-
 ствуюющій градъ Москву возвратися и поживе у брата
 своего Петра нѣкольное время, отъиде во градъ Ко-
 ломну къ епископу Павлу, иже бѣ умерщія супруги
его Ксенія братъ единородный. Епископъ же Павелъ
 пріять его, Иоанна, любезно, и по малѣ времени обле-
 че его во иноческій ангельскій образъ въ лѣто 7161
 (1653 г.) декабря въ 11 день, аще ему и не хотящу,
 сказа бо ему вся по ряду, яко обѣщаніе даде предъ
 Богомъ и предъ Сергіемъ преподобнымъ во Флорище-
 вѣ пустынѣ во иноческій чинъ облещися. Павелъ же
 епископъ препре его, глаголя: „аще убо возымѣши во
 Флорищевѣ пустынѣ жити, прежде убо подобаетъ те-

бѣ монашескому житію навыкнути, тогда убо можеша и во Флорицевѣ пустынѣ отшедь жити“. Еще же и того ради сей юноша тому епископу повинуся, яко въ той Флорицевой пустынѣ іеромонаха не изхлоса, еже бы кому во иноческій чинъ тамо облещи его; въ постриженіи же той епископъ даде ему имя, вмѣсто Іоанна, Иларіонъ. Въ то время бысть ему отъ рожденія 22 лѣто и посвященъ бысть тѣмъ же епископомъ Павломъ во іеродиакона тогожде 7161 (1653 г.) марта 12 дня, и вручена ему была ризничая служба. Егда же той новопостриженный и новопосвященный во іеродиакона Иларіонъ, бывшій Іоаннъ, посѣтившій въ той Флорицевой пустынѣ еще бѣльцемъ тѣхъ пустынножителей, и возвращишия отъ нихъ вспячь въ царствующій градъ Москву поживе у брата своего Петра и во градъ Коломнѣ у епископа Павла, тѣмъ временемъ тѣ пустынножителеі въ той Флорицевой пустынѣ содѣлавши церковь деревянную, во имя успенія пресвятыя Богородицы, присовокупиша же и придѣлецъ малый во имя преподобнаго Ефрема сирина. Егда же они ту церковь построили, тогда бысть имъ явленіе сидевое.

Въ нѣкоторое время прилетѣвши отгѣкуду три птицы, именуемые орлы, зѣло доброличны, и сѣдше на той новозастроенной и еще неосвященной церкви на крестѣ зѣло веселозрачна, якобы во образъ пресвятыя Троицы. Богу предзнаменующу, хотящей быти тамо величій славъ Возіей, возсіяти, или рещи самому Господу Богу во образъ тѣхъ птицъ то святое мѣсто присѣтити; посидѣвши же ти орлы на той церквѣ, абіе подъяшася къ небеси прямо въ высоту и невидими бы-

ша. Тогда первоначальный старец Мееодій исполнился благодати Святаго Духа, пророчески глаголаше къ братіи сице: „сіе убо мѣсто, братіе, хощеть Богъ прославити, Троицы убо жилище хощеть здѣ быти“, и прочая таковая глаголаше. Егда же той старецъ Мееодій прежде тоя церкви строенія ишедъ изъ пустыни своея и вачать отъ христолюбивыхъ людей на то церковное зданіе милости просити, комуждо Господь Богъ по сердцу положить что преподати, глаголаху къ нему людіе: „кому у тебе, старче, въ пустыньѣ церковь управлять? священника у тебе нѣсть; самъ же ты недостаточенъ; откуда кто можетъ священникъ къ тебѣ прійдти?“ Старецъ же, аще и невѣдый о Иларіонѣ, яко въ монашескій чинъ облечеса, обаче обѣтъ къ Богу положенный при нихъ истиненъ надѣяшеса быти, глагола къ нимъ: „азъ не о священникѣ васъ прошу, но о милостыни; комуждо Богъ по сердцу положить, благоволите ми преподати, еже бы ми чимъ храмъ Господеву возсоздати; Той же вѣсть, откуда намъ пресвитера послати; мы убо на Его прещедрую милость крѣпцѣ надѣмся, яко ниже во градѣ и весѣхъ, окрестъ насъ сущихъ, таковъ пресвитеръ имать быти, какова намъ грѣшнымъ Богъ пошлетъ“.

Въ та времена нѣкоторіи людіе изъ града Гороховца и изъ Ераполча и изъ Мугрѣва за борти ходяще и въ рѣкѣ Луху рыбу ловяще, и звѣроловители въ томъ лѣсу хождяху и слышаху часто звонъ великій и необычный показующеса имъ надъ тѣмъ мѣстомъ, идѣже нынѣ на той флорищевой горѣ монастырь стоитъ. Приходящии же глаголаху къ старцу: „кому у те-